

# علاء الدين والبراد الجهوي



# علاء الدين والبراد الجهوي

سيناريو وأفكار  
رحمو محمد

رسوم  
زينب الفزقي

توضيب  
طارق رئيس

إنتاج



"لي تكال يدار"، هو مشروع تقوم به جمعية جذور ([www.racines.ma](http://www.racines.ma)) بشراكة مع مؤسسة هينريش بول شمال إفريقيا المغرب ([www.ma.boell.org/fr](http://www.ma.boell.org/fr)). هذا المشروع هو تنمة لعملية مواكبة تحضيرات انتخابات 2015 من أجل ديموقراطية تشاركية و مسؤولة، و الذي أجري بين شتنبر 2014 و فبراير 2015

الهدف الأساسي من مشروع "لي تكال يدار"، هو دعم الانتخابات المحلية، الجهوية والبرلمانية 2015-2017، إضافة إلى تحسين المواطنين والمواطنات بحقوقهم والتزاماتهم من أجل ديموقراطية تشاركية و مسؤولة، لا سيما فيما يتعلق بواجب المساءلة وإدارة المال العام. الهدف من ذلك، هو تشجيع الحوار وتعزيز الثقة بين المسؤولين المنتخبين والمواطنين مع تحفيز الشباب خاصة، للمشاركة في العمليات السياسية وخلق فضاء للتبادل بين الفاعلين السياسيين والمجتمع المدني.

من هذا المنطلق، نقوم بإنجاز مجموعة من الأنشطة من خلال ثلاث مراحل أساسية. سنة 2015، قمنا بإنتاج مجموعة من الوسائل البيداغوجية للتربية المدنية: دفتر المواطنة، استمارة المساءلة، دليل الترافع، 3 أشرطة تربوية، 3 كبسولات فيديو، موقع إلكتروني وألعاب المحاكاة لصالح المواطنين والمواطنات ومنظمات المجتمع المدني. خلال سنة 2016، سنقوم بتطوير عدد من الأنشطة للتربية المدنية وبناء قدرات المجتمع المدني تركز على منهجيات قائمة على الإبداع، الثقافة والتكنولوجيات الرقمية الجديدة باستخدام أدوات المرحلة الأولى. الساكنة المستهدفة لهذه المرحلة هم الشباب، النساء، المجتمع المدني الجهوي والساكنة كافة. الهدف هو تكوين و تفسير كيفية اشتغال النظام السياسي المغربي لا سيما في ما يخص وسائل المساءلة و آليات المشاركة على الصعيدين المحلي والوطني. بالنسبة لسنة 2017، ستركز مجموعة الأعمال والأنشطة التي سنقوم بها على تطبيق المعارف المكتسبة خلال المرحلة الثانية، لخلق فضاءات لتبادل الآراء بين المواطنين والمسؤولين المنتخبين وفتح نقاش عام حول المساءلة بين المواطنين (الناخبين)، المجتمع المدني والممثلين المنتخبين / المرشحين.

"لي تكال يدار" هو مشروع يستفيد من دعم وزارة الشؤون الخارجية لجمهورية ألمانيا الفدرالية.

جذور منظمة مغربية غير هادفة للربح، يتمركز محور اشتغالها منذ تأسيسها سنة 2010، حول الثقافة، التنمية، تعزيز الصناعات الثقافية والإبداعية وكذا التعاون في أفريقيا. جمعية جذور تطور العديد من الأنشطة للقيام بأبحاث، هيكلية ونشر السياسات الثقافية في المغرب وأفريقيا: مناقشات، مؤتمرات، حملات للدعوة إلى العمل الثقافي (حقوق المؤلف، حرية الإبداع...) والمساهمة في تخصص واحترافية الفاعلين الثقافيين. إضافة إلى ذلك، تهتم جذور، من خلال أنشطتها الثقافية والفنية، بالقضايا المتعلقة بالهجرة، العنصرية، الفضاء العام، حرية التعبير...



واحد النهار دخل لواحد الغار من هاذوك  
الغيران ديالو فين كاي لعب. كان ديمها كيحلم يلقي  
الكنز باش يكبر و يبني للدوار ديالو كاع ذاك  
الشي اللي كان خاص الجماعة تديرو. وكاع هاذوك  
الاختصاصات ديال رئيس الجماعة اللي مطبقهاش  
يطبقها هو.



كان علاء عزيز عليه يدور فالدوار ديالهم لي فيه الجبال والغيران، و كان  
عزيز عليه يلعب تماك كيما صاب. حيث ماكينش عندو تيران والمدرسة  
ديالو كاملة مهدمة. الدوار ما في هيش الطريق. ماتوا لعلاء الدين جوج  
خوت حيث الدوار ديالهم ماكيفهم والو فهادشي ديال الجماعة والجهة  
و البرلمان.





اتفو البراد عاود تاني.  
العز ! غادي نديه للدراري  
صحاي نبداو نصابو به حلوة  
الغراف و بيروري.

هز البراد وحكو

شبيك لبيك.

احبس احبس.  
انت من  
هاذوك صحاب  
الجماعة.

راه صوتنا عليكم. الدوار ديالنا كامل صوت على حزب  
البراد حيث قلتو لينا حزب البراد غادي يدبر لكم السكر  
فالبلا، ولكن ما شفنا والو. و اليوم جا الوقت باش  
نذكرك فأشنو خاصنا و أش كان خصكم تديرو نتوما ملي  
شديتو الجماعة ديالنا والجهة ديالنا.



الببراد  
حزب البراد  
صوتنا  
عليننا  
أنتهلا فيكم...

آش من جهة؟ واش  
بحال اللي تيقولوا هاذ  
الجهة ناعسة هاذ  
الجهة فايقة؟






ناري. ما كاتعرفش الجهة وما قريش أصاحبي و  
داخل للانتخابات ! الجهة آسي العفريت هي  
جماعات ترابية بحالها بحال العمالات والأقاليم  
والجماعات. إذن هي أشخاص معنوية، خاضعة  
للقانون العام. و مجالس الجهات والجماعات  
كاتنتخاب بالاقتراع العام المباشر. زعما ملي  
صوتنا عليكم فالانتخابات ختاريناكم فالجماعة  
ديالنا و الجهة ديالنا

اختيار  
أعضاء الجماعة  
والجهة

ودابا أشنو خصني أنا ندير ؟



دابا كنتي أنت فمجلس الجهة ولا شي  
واحد من الحزب ديالك خاصك تعرف  
الصلاحيات ديالك و ديال مجلس الجهة  
: الجهة خصها تخطط لينا و تحرك  
الاقتصاد. تعاون المقاولات. يعني أ خويا  
خاصكم تحركو ذاك الشي ديال الخدمة  
و ديال الشركات و تروجوا الدعوة شوية.  
فهمتني؟ وتطوروا السياحة. يعني  
خاصكم ضروري تديروا شوية ديال  
التسويق لهاذ البلايص اللي كاينين و  
تديروا لينا شوية ديال الرواج. ذاك الشي  
ديال المهرجانات و الحفلات. راه القضية  
ميتة أصحابي ، وتديروا التكوين المهني  
و تبنوا لينا فين نقرأو ، تقادوا النقل ،  
و تبنوا و تقادوا الطرق القروية غير  
المصنفة يعني أصحابي، خصكم تزفتوا  
الطريق و تبنوا القناطر...





أنا ماشي مشكل عندي. غير اطلب وأنا  
ننفذ. أنا عبد مأمور.

وطلبنا لكم او  
البرنامج ديالك كان  
عامر وملحم و  
مشحم

أشنو قلنا لكم و ما درناش ؟

انتوما الجهة و قلت  
لك قبيلة الاختصاصات  
ديالكم. دابا غادي  
نقول لك اشنو كي يعني  
هاذ الشئ كامل.

البنية التحتية

تبني ليا المدارس

تبني السبيل

تقاد ليا  
الطريق او  
البنية التحتية

تحرك الاقتصاد

اشنو ن  
الجماعة او

سرد

دير التكوين المهني

توفر ليا النقل

قدر نطلب من  
لجهة ديالي ؟

تبني دور الشباب

دير المهرجانات





الله يسمعنا خبار الخير



ديماري هاذايك الزربية السحرية دياالك  
و يالاه معايا بغيت نوريك شي حاجة

شفتي هاذا الناس



اه مالهم ؟

هاذوك واحد الناس كاين فيهم اللي ساكن  
فالعروبية و كاين اللي ساكن فالمدينة، و جاو  
باش يهدرو مع مجلس الجهة، حيت يالاه  
تنتخب. بغاو يدخلو فذاك الشي ديال التيسير  
و إعداد برامج التنمية و بغاو يتبعو أش واقع،  
حيث القانون كعطيهم الحق، و كيقول  
للمجلس ديال الجهة خصو يتشاور مع  
المواطنين و المواطنين و الجمعيات، و هما  
حتى هما يقدروا يقدموا عرائض، باش  
المجلس يدير ذاك الشي اللي بغاو فالجدول  
ديال الأعمال ديالو.



ديماري عاود ثاني هاذيك  
الزربية ديالك او يلاه  
نوريك كفاش الناس كاتغير  
الواقع ديالها ...

شفتي هذاك  
السيطار

آه مالو؟

هذاك هو السيطار ديال الجهة ديانا  
كاملة، راه ما بيناه حتى نوضنا قربالة ...  
درنا الاحتجاجات و سنينا العرائض

العرائض ؟ هي كاتديرو العراضات ؟  
أو هاذو عرائض ديال الكرة ؟


انت أش كنتقول؟ راه كانترافعو باش ندافعو على راسنا...  
قال لك .. العرائض ! العريضة هي ملي كانصاوبوا شي  
وريقة و كانجمعو فيها الإمضاءات و كانطلبو بها شي  
حاجة. و هاذ الشي اللي خاص يديرو أي واحد عندو شي  
مشكل مع الجماعة أو الإقليم أو الجهة ديالو.

عريضة

أجي نوريك شي حاجة  
أخرى ..



شفتي دابا هاذ المدينة ! ياك كبيرة و زوينة و  
باينة فيها كتدخل الفلوس ياك ؟



باين كتدخل الفلوس و كاتخرجهم، ولكن  
ما عرفناهمش فني تيمشيو !




هاذ المدينة من أكبر المدن فالمغرب و فيها مجلس المدينة و  
خاصها بصراحة تتضامن مع القرية ديانا دابا غادي نقول لك  
شي حاجة و خا ما تفهمهاش، أنا غادي نبسطها لك بمثال : ،  
الجهة و الجماعات خاصها تتعاون وتتضامن بيناتها و كيفما قلنا  
قبيلة ضروري تكون مشاركة السكان المعنيين في تدبير الشؤون  
ديالهم، مالك شفتك دختي ؟





وساهلة ماهلة هاذي يعني الجهة  
خصها تدير التوازن مابين العمالة و  
الأقاليم ديالها. إذا كانت شي بلاصة  
عندها الفلوس خصها تعاون شي  
بلاصة ما عندهاش الفلوس، دابا شفتي  
هما عندهم سبيطار كبير وعندهم  
بزاف ديال المدارس، وإذا كان عندهم  
شي بركة فالميزانية ديالهم خاصهم  
يعاونونا بها، و خاصهم يوصلو لينا  
الطريق. فهمتي دابا ؟



المدينة

تساعد

القرية

أخويا أنا متضامن معك من اللول غير انت  
اللي ما فهمتنيش.

إذا كنتي مازال ما فهمتش غادي نعطيك واحد المثال  
مهم. كايعلق بالماء الصالح للشرب والكهرباء ومدن  
الصفيح والسكن غير اللائق و زيد و زيد و زيد. هاذ  
الشي كامل خاصو يكون فالجهة بالتساوي هاذ الشي  
علاش خاص هذاك المجلس اللي صوتنا عليه يدير هاذ  
الشي كامل اللي بغيناه بلاما يفضل منطقة على أخرى.



توزيع الماء والكهرباء  
على القرى



و هذاك اللي صوتوا عليه  
أش كيدير لكم ؟



أعضاء

مقررون

استشاريون

هذاك اللي صوتنا عليه حتى  
هو غير كيصوت، حيث  
فالمجلس كايين بزاف ديال  
الأنواع ديال الأعضاء :

أعضاء مقررون، أعضاء استشاريون ، يعني  
كاين اللي دخلو للمجلس و هما اللي تبيداو  
يقررو، و كايين اللي غير كيصوت على  
القرارات و صافي.

ناري هاذ الشي  
بزاف ... غادي  
نرجع للبراد دياالي.

هاد الجهة ناعسة  
أحي نفيقوها؟

الشعب

الشعب

الجهة

